



Inatsisartut Aningaasaqarnermut-, Akileraartarnermullu  
Ataatsiititaliaat  
Siulittaasoq Finn Karl  
-/MAANI

**AIS 2014-imut atatillugu Ataatsimiititaliap ataatsimeeqatiserinnilluni aggersanerminut atatillugu akissuteqaatit**

10. oktober 2013  
Sagsnr. 2013-081498  
Dok. Nr. 1360896

AIS 2014-imut tunngatillugu Aningaasaqarnermut Ataatsimiititaliap apeqqutaanut Naalakkersuisut akissutigisaanut tunngatillugu Aningaasaqarnermut Ataatsimiititaliap isumasioqatigiinnissamut aggersaanerani Aningaasaqarnermut Ataatsimiititaliap apeqqutit makku eqqartorusuppai.

Postboks 269  
3900 Nuuk  
Tlf. (+299) 34 50 00  
Fax (+299) 34 63 55  
E-mail: apnn@nanoq.gl  
www.naalakkersuisut.gl

**Apeqqut 1**

Apeqqummut tunuliaqutaasoq:

Apeqqut 3.17-imut Naalakkersuisup akissutaa allannguutininut pingaarnernut tunngasoq.

Naalakkersuisumik apersuinermi akineqartussatut Aningaasaqarnermut Ataatsimiititaliap apeqqutaa:

- a) Ataatsimoortumik suliniutip kingusinnerpaamik naammassereerfissaa piffissali-iffigineqarsimanersoq paasisutissiissutigineqassasoq ataatsimiititaliamit kissaatigineqarpoq.

**Akissut a-mut:**

Inuit Sila paasisitsiniaalluni ukiuni pingasuni suliniutaavoq, pilersaarutigineqartutut 2013-imit 2015-ip naanissaata tungaanut ingerlanneqartussaq.

**Apeqqut 2**

Apeqqummut tunuliaqutaasoq:

Apeqqut 10.1-imut Naalakkersuisup akissutaa konto pingaarneq 50.01.20-mut tunngasoq.

Naalakkersuisumik apersuinermi akineqartussatut Aningaasaqarnermut Ataatsimiititaliap apeqqutaa:

- a) Puisit amii aammalu puisinniartarneq pillugit paasisitsiniaanerup ataavartunngortinneqarnissaa Naalakkersuisup isumaliutigisimavaa?

**Akissut 2 a-mut:**

APNN-ip kissaatigigaluarpaat paasisitsiniaalluni suliniutip Inuit Sila 2015-ip NGO-tut (suliniaqatigiiffik pisortat avataasigut ingerlasoq) namminersortutut Namminersortutik Oqartussanit tapiiffigineqartarani ingerlaannarsinnaanissaa.

- b) Ataatsimiititaliamut ilaasortat ilaat aasaq manna Great Greenlandimut takuni-aagamik Great Greenlandimit paasitinneqarput tuniniaasartooq ataasiinnaq suli

atorneqartoq. Tamanna pillugu assigiinngitsunik oqariartortoqarnera qanoq nas-suiaatissartaqarpa?

**Akissut 2 b-imut:**

Siusinnerusukkut tuniniaasartut marluusimanngillat. North Atlantic Fur Group-imik su-leqateqarneq august 2013-imi atorunnaarpoq. Great Greenland A/S Kopenhagen Fur-imik nutaamik isumaqatigiissuteqarpoq.

**Apeqquut 3**

Apeqquummut tunuliaqutaasoq:

Apeqquut 10.2-mut Naalakkersuisup akissutaa konto pingaarneq 50.06.50-imut tunngasoq.

Naalakkersuisumik apersuinermit akineqartussatut Aningaasaqarnermut Ataatsimiitita-liap apeqquutaa:

- a) Aalisariutinik isaterinissamut tapiissuteqartarnermi maleruagassat Naalak-kersuisumit nassuiaatigineqassasut aammalu aqqissuussinerup qanoq anner-tutigisumik atugaanera paasissutissiissutigineqassasoq ataatsimiititaliamit kissaatigineqarpoq.

**Akissut 3 a-mut:**

Aallaqqaasiutigalugu erseqqissaatigineqassaaq kontomi pingaarnermi siunertarineqartut marluummata. Aningaasaliissutit ilaatigut atorneqartarput sinerissap qanittuani aalisari-utinik ingerlaavartumik taarsersuineranut nutarterinernullu tapiissutitut, suliniutit nutaalior-fiusut ilanngullugit. Tamatuma saniatigut aningaasaliissutit atorneqartarput aalisariutinik isaterinernut, sinerissap qanittuani aalisariuteqarnikkut nalimmaassaaneq ikorfartorni-ar-lugu.

Angallatit ukiunit 25-nit pisoqaannerusut ukiuni kingullerni marlunni aalisarsinnaanissa-mut akuersissutimik minnerpaamik 50%-iinik aalisarsimasut qinnuteqarnerullu nalaanni ingerlasinnaasunik angallatillit angallatimik isateqarneqarnissaanut tapiiffigineqarnis-samik qinnuteqarsinnaapput. Tapiissutit annertussusissaat aalajangersimasumik tunng-avissat aallaavigalugit aalajangerneqatarput, angallatillu angissusaaq BRT imaluunniit BT aallaavigalugit. Angallat ukiunit 25-iniit pisoqaanerutillugu tapiissutigineqartartut an-gallatip pisoqaliartornera malillugu tapiissutit ukiumut 5%-imik appartinneqartarput. Ta-piissutigineqartut angallatip sillimasernerata nalinganit annertunerussanngillat, atortut ilanngullugit. Angallat sillimmaserneqarsimanngippat, angallatip nalinga nalliiisartumit arlaannaanuluunniit attuumassuteqanngitsumut nalilersortinneqarsinnaavoq. Na-lilersuisussaaq Aalisarnermut, Piniarnermut Nunalerinermullu Naalakkersuisoqarfimmit toqqarneqartarpoq. Aningaasartuutit qinnuteqartumit akilerneqartarput.

Aningaasaliissutit killeqarmata pingaarnersiuiueq aallaavigalugu tapiissuteqartoqartar-poq. Ataatsimiititaliaq inatsit naapertorlugu angallatip pisoqaasusaa, aalisagartassiis-sutigisimasaminit piasamasat, piffiit ilaanni angallatit akuersissutilluunniit amerlas-susaaq imaluunniit aalisagaqatigiiaat aallaavigalugit aalisarneq aallaavigalugit pingaar-nersuisussaatitaavoq.

Angallatip motoriataluunniit ajoqusernerata kingunerisaanik sillimmatinit isaterinissamut qinnuteqarnermit ukiup ataatsip iluani pissarsisoqarsimatillugu, tapiissuteqarnermi taak-

ku ilanngaatigineqassapput sillimmatinit pissarsiat angallatip iluarsarnejarnissaanut atornejarsimatinnagit Tamatuma saniatigut qinnuteqareernerup kingorna tapiissutilli tiguneqannginnerini ajoqusertoqartillugu sillimmatinit pissarsiat ilanngaatigineqassapput. Piumasaqaataavoq angallatip timitaa tamarmi isaternejassasoq tassungalu tunngatil-lugu inatsisit avatangiisinut tunngasut malinneqassasut. Angallat angallatit nalunaarsor-simaffianit peernejassaaq aammalu angallatit inuussutissarsutugalugu aalisarsinnaati-taasut pillugit naalakkersuisoqarfiup nalunaarsuiffianit peernejassalluni. Tapiissutit tun-niunneqarnerisigut aalisarsinnaanermut akuersissutit aalisarsinnaanissamullu pisin-naatitsissutit tamarmik atorunnaassapput.

Aalisartut marluk amerlanerilluunniit ataatsimoorlutik angallatimik isaternejarnissaanik qinnuteqartillugit, ilutigalugulu angallammik ataatsimik ataatsimoorlutik pisinissaminnut qinnuteqartulitik tunngaviusumik maleruagssat malillugit akuersissutit pigineqartut anaaneqarsinnaanngillat. Taamak pisoqartillugu isaterinissamut tapiissutigineqarsinnaa-sut angallatip timitaata isaternissaanut kisimi tapiiffigineqartarput.

Piffissami 2011-2013 qinnuteqaatit katillugit 11-t tiguneqarsimapput. Tapiissutigineqart-artut annertussusaat isaterinissamullu tapiissutinik pissarsisoqarnerani aalisarsin-naanissamut akuersissutit piginnaatitsissutillu atorunnaarsinneqartarneri pillugu inatsisit allanngornerisa kingunerisaanik qinnuteqartut ataasiakkaat piffissap ingerlanerani an-gallat aalajangersimasoq pillugu arlaleriarlutik qinnuteqartarsimapput, illuatungerisalli aningaasaliiffigineqarnissamik neriorsuut atorumasarsimanagu. Taamaattumik qin-nuteqaatit tiguneqarsimasut qinnuteqartuinnit amerlanerupput, suliamulli tassunga tunn-gatillugu equngassuteqartumik takutitsisinnaallutik.

Qinnuteqartunit 11-iusunit sisamat nalunaarsimapput neriorsuutigineqartunik eqquutsit-siniarlutik. Takkununnga aningaasaliissutit tamakkerlutik 5.161.450 koruuniupput. Ulloq manna tikillugu angallat ataaseq isaternejarsimavoq qinnuteqartumullu 1.229.000 ko-ruunit tapiissutigineqarsimallutik.

#### **Apeqquut 4**

##### Apeqquummut tunuliaqutaasoq:

Toqoraaviup Neqi A/S-ip nutarternera Aamma takuuk konto pingaarneq 51.03.04, uumasunik toqoraavimmut Neqi A/S-imut sullissinissamik isumaqatigiissuteqarnermut tunngasoq.

Naalakkersuisumik apersuineri akineqartussatut Aningaasaqarnermut Ataatsimiittita-liap apeqquataa:

- a) Ataatsimiittitalap paasinninnera malillugu Neqi A/S-ip nutarternejarnissaani tunnga-vissaatinnejarsimavoq toqoraavimmi uumasut assigiinngitsut aamma toqorarneqarsinnaanissaat, taamaalillunilu suliareqqiisarfimmik pilersitsinikkut ukioq tamakkerlugu suliffissanik amerlanerusunik pilersitsinissaq. Toqoraaviup tuttunik, nersussuarnik umimmannillu neqinik suliareqqiineri maanna ingerla-taqarsinnaaneranik siunertarisaq nutarterinikkut eqquutsinneqarnerisooq paasis-sutissiissutigineqassasoq ataatsimiittitaliamit kissaatigineqarpoq.

**Akissut 4 a-mut:**

Neqi A/S nutarteriffigineqarmat nutaamik tamatigoortumik toqoraavimmik aamma sanasoqarpoq. Toqoraaviup tamatigoortup uummasuutit savat, tuttut, nersussuit kiisalu umimmannik suliareqqiissarfittut sanaajuvoq.

Ukioq manna toqoraavik 14. september 2013 aallarnerfigalugu savaaqqanik savanillu toqoraalluni aallartippoq. Sanaartornerup piffissami toqoraalernissap tungaanut savaaqqanik toqoraanissaq salliutinneqarsimavoq, taamaattumik tuttunik, nersussuarnik umimmannillu toqoraanissamat suli atortorineqartussat piareersimanatik. Aatsaallu savaaqqanik toqoraaneq naammassereerpat uummasunut anginerusunut suliaqartalernissamat atortulersorneqassaaq.

Taamaasilluni Tuttutuuni tuttuutilik Neqi A/S-imi ukioq manna toqoraatitsinissaa allatut pilersaarusiullugu aaqqivigineqartussanngorsimavoq, tassalu tuttut mikisut, ukioq manna inunngortut, 200 angullugit amerlassusillit Tuttutuuni toqorarlugit Neqi A/S-imut assartorneqassapput.

Taamatuttaaqq nersussuit 15 angullugit Neqi A/S-imi ukioq manna immikkut toqorarneqarnissaat isumaqatigiissutaasimavoq.

Neqi A/S nutarteriffigineqareerneratigut suliaqarsinnaanera (kapacitet) savaaqqanit 25.000-iniit 36.000-inut qaffariassasoq naatsorsuutigilluinnarneqarpoq, savaaraq ataaseq 15 kilunik oqimaatsigisoq naatsorsuutigalugu. Tassalu ukiup ingerlanerani suliaqarsinnaaneranut tikkuussivoq savaaqqat 36.000-it toqorarlugit, toqqorsivimmiitillugit suliareqqinnerinilu toqoraaviup nutaap piginnaasaa taama nassiuatigineqarpoq.

Toqoraaviup EU-mik niueqateqarsinnaanerani akuersissummik pissarsisimavoq.

Inussiarnersumik inuulluaqqusillunga



Karl Lyberth